

АТА ЗАҢ

Азат елдің басталған
Айқын жолы тәрізді,
Ата Заң деп аталған,
Конституциямыз бар біздің.

Ата Заңмен бекіткен,
Дербестігін еліміз.
Ата – баба мұра еткен,
Тұтастығын жеріміз.

Халық сенген заңымыз,
Әділдікті қолдайды.
Жақсарсын деп халіміз
Адам құқығын қорғайды.

Дейді заңы – мемлекет,
Үлкенге де, балаға:
“Оқу оқы, еңбек ет,
Кәсіп жаса қалаған!”

Әрбір бабы маңызды,
Әр көңілдің жыры бір.
Бізде 30-ы тамыздың-
Ата Заңның күні бұл.

Ермек Өтетілеуұлы